

Član 2.

Za lica prijavljena na Zavod za zapošljavanje (u daljem tekstu: Zavod) sa kojima poslodavac zasnjuje radni odnos na neodređeno vrijeme bez otkaza na tri godine poslodavcu se daju sljedeće olakšice:

- poslodavac je u potpunosti oslobođen plaćanja obaveza na plaće iz člana 1. ove uredbe za lica koja na listi nezaposlenih kod Zavoda posao čekaju od tri do šest mjeseci, za prvih šest mjeseci zaposlenja;
- poslodavac plaća 30% obaveza iz člana 1. ove uredbe u naredna tri mjeseca zaposlenja (VII, VIII i IX mjesec);
- poslodavac plaća 60% obaveza iz člana 1. ove uredbe u naredna tri mjeseca zaposlenja X, XI i XII mjesec).

Član 3.

Po isteku perioda od godine dana poslodavac plaća porez na plaću i doprinose iz i na plaću sukladno odredbama Zakona o porezu na plaću ("Službene novine Federacije BiH", br. 26/96, 27/97, 12/98, 54/00, 16/01) i odredbama Zakona o doprinosima ("Službene novine Federacije BiH", br. 35/98, 54/00 i 16/01), u punom iznosu.

Član 4.

Sredstva za plaćanje doprinosa iz i na plaću iz člana 1. ove uredbe osiguravaju se iz Budžeta Federacije Bosne i Hercegovine za 2002. godinu.

Član 5.

Poslodavac je obavezan vršiti obračun plaće zajedno sa obavezama na specifikaciji za odgovarajući mjesec za lica iz člana 1. ove uredbe i isplatu neto plaće. Specifikaciju ovjerenu od ovlaštene osobe za obavljanje platnog prometa, uz ugovor o radu podnosi nadležnim nositeljima osiguranja.

Član 6.

Federalno ministarstvo finansija-Federalno ministarstvo financija u roku od 30 dana od dana stupanja na snagu ove uredbe donijet će uputstvo o plaćanju doprinosa iz ove uredbe, vođenju registra korisnika i potrebnoj dokumentaciji.

Član 7.

Ova uredba stupa na snagu danom objave u "Službenim novinama Federacije BiH"

V broj 640/2001

10. decembra 2001. godine

Sarajevo

Premijer

dr. Alija Behmen, s. r.

853

Na temelju članka 67. Zakona o postupku upisa pravnih osoba u sudski registar ("Službene novine Federacije BiH", br. 4/00, 49/00 i 32/01), Vlada Federacije Bosne i Hercegovine na prijedlog federalnog ministra pravde, donosi

UREDBU

O IZMJENAMA I DOPUNAMA UREDBE O UPISU U SUDSKI REGISTAR PRAVNIH OSOBA KOJE OBAVLJAJU GOSPODARSKU DJELATNOST

Članak 1.

U Uredbi o upisu u sudski registar pravnih osoba koje obavljaju gospodarsku djelatnost ("Službene novine Federacije BiH", br. 12/00, 16/00 i 38/00), u članku 6. stavak 1. točka 1. mijenja se i glasi:

"1. Uvjerjenje nadležne porezne uprave, da on kao osnivač i većinski vlasnik u društvu nema nepodmirene dospjele obaveze prema povjeriocima, odnosno nepodmirenih poreza i doprinosa."

Članak 2.

U članku 38. u prvom redu iza riječi "upisa" dodaju se riječi: "izuzev dioničkog društva".

Članak 3.

U članku 48. stavak 2. iza riječi "upisa" dodaju se riječi: "izuzev dioničkog društva".

Članak 4.

U članku 63. stavak 3. točka 2. iza riječi "upisa" dodaju se riječi: "izuzev dioničkog društva".

Članak 5.

Ova uredba stupa na snagu narednog dana od dana objave u "Službenim novinama Federacije BiH".

V broj 649/2001

18. prosinca 2001. godine

Sarajevo

Premijer

dr. Alija Behmen, v. r.

UREDBU

O IZMJENAMA I DOPUNAMA UREDBE O UPISU U SUDSKI REGISTAR PRAVNIH OSOBA KOJE OBAVLJAJU PRIVREDNU DJELATNOST

Član 1.

U Uredbi o upisu u sudski registar pravnih osoba koje obavljaju privrednu djelatnost ("Službene novine Federacije BiH", br. 12/2000, 16/2000 i 38/2000), u članu 6. stav 1. tačka 1. mijenja se i glasi:

"1. Uvjerjenje nadležne porezne uprave, da on kao osnivač i većinski vlasnik u društvu nema nepodmirene dospjele obaveze prema povjeriocima, odnosno nepodmirenih poreza i doprinosa."

Član 2.

U članu 38. u prvom redu iza riječi "upisa" dodaju se riječi: "izuzev dioničkog društva".

Član 3.

U članu 48. stav 2. iza riječi "upisa" dodaju se riječi: "izuzev dioničkog društva".

Član 4.

U članu 63. stav 3. tačka 2. iza riječi "upisa" dodaju se riječi: "izuzev dioničkog društva".

Član 5.

Ova uredba stupa na snagu narednog dana od dana objavljivanja u "Službenim novinama Federacije BiH".

V broj 649/2001

18. decembra 2001. godine

Sarajevo

Premijer

dr. Alija Behmen, s. r.

854

Na temelju članka 19. stavak 2. Zakona o Vladi Federacije BiH ("Službene novine Federacije BiH", br. 1/94 i 8/95), članka 33. stavak 2. Zakona o privatizaciji poduzeća ("Službene novine Federacije BiH", br. 27/97, 8/99 i 32/00) i točke II Odluke o korištenju novčanih sredstava ostvarenih prodajom poduzeća iz nadležnosti Agencije za privatizaciju u Federaciji BiH ("Službene novine Federacije BiH", broj 35/00), Vlada Federacije Bosne i Hercegovine, donosi